



ACU eMPIRICA Akademija cjeloživotnog učenja



Akademija cjeloživotnog učenja eMPIRICA, koja djeluje u sklopu Visoke škole računarstva i poslovnih komunikacija eMPIRICA u Brčko distriktu BiH, objavljuje

Konkurs za upis I. generacije polaznika na Cisco Akademiju Mrežnih Tehnologija

Cisco Akademija Mrežnih Tehnologija je renomirani program u okviru globalne i inovativne Cisco inicijative za obrazovanje istinskih stručnjaka osposobljenih za uspostavu i održavanje računarskih mreža u složenim poslovnim sistemima. Cisco Akademija Mrežnih Tehnologija postoji u 160 zemalja svijeta i u svakoj se odvija po istovjetnom principu. Program obuke traje 280 sati, kroz četiri semestra. Cisco certifikati su priznati u cijelom svijetu, jer garantuju posjedovanje praktičnih i teoretskih znanja neophodnih za kvalitetno projektovanje mrežnih sistema, njihovu uspostavu i održavanje u institucijama i firmama svih djelatnosti.

Lokalnu Cisco Akademiju Mrežnih Tehnologija VS eMPIRICA u sklopu Akademije cjeloživotnog učenja eMPIRICA vode predavači sa višegodišnjim iskustvom predavanja po standardima Cisco Networking Academy® programa. Predavači su nosioci Cisco Certified Network Associate (CCNA™) i Cisco Certified Network Professional (CCNP) certifikata, a svoje predavačke vještine dokazuju i službenim certifikatom Cisco Certified Academy Instructor (CCAI), kojim tvrtka Cisco Systems, Inc. i Akademija cjeloživotnog učenja eMPIRICA polaznicima garantiraju vrhunski kvalitet predavanja.

Ovaj program otvara velike mogućnosti za zapošljavanje nakon sticanja certifikata, pogodan je za mlade ljude, kao i za one koji žele prekvalifikaciju ili imaju nedovoljno znanja o mrežnim tehnologijama.

Akademija cjeloživotnog učenja eMPIRICA organizuje za svoje polaznike edukaciju u terminima koji njima najviše odgovaraju, u dogovoru sa upisanom grupom. Nastava je organizovana u malim grupama, kroz interaktivan i praktičan rad na originalnoj Cisco opremi.

Nastavni materijali i ispiti su na engleskom jeziku, dok se predavanja i vježbe izvode na jezicima BiH. Akademija cjeloživotnog učenja eMPIRICA, kroz svoju Lokalnu Cisco Akademiju Mrežnih Tehnologija VS eMPIRICA, nudi moderan pristup edukaciji koji se sastoji od teorijskih i praktičnih znanja. Multimedijiski nastavni materijali pomažu lakšem savladavanju gradiva, a praktični rad na Cisco mrežnoj opremi omogućuje da usvojeno gradivo primijenite u stvarnim uslovima. Program edukacije u okviru Cisco Akademije Mrežnih Tehnologija nudi i dodatnu mogućnost učenja od kuće kroz sistem e-učenja.

Cijena za četiri semestra: 2.000,00 KM.

Način plaćanja: Plaćanje jednokratno, prije početka nastave. Mogućnost plaćanja u ratama: 4 rate po 550,00 KM.

Početak nastave 25.02.2013. godine.

Za studente i buduće studente studijskog programa Inženjerska informatika Visoke škole računarstva i poslovnih komunikacija eMPIRICA posebne pogodnosti:

- CISCO akademija je besplatna, odnosno troškovi iste ulaze u troškove školarine studija,
- Za one koji se odluče za upis na studijski program Inženjerska informatika u periodu do 6 mjeseci po završetku zadnjeg pohađanog semestra Cisco Akademije VS eMPIRICA, 50% uplaćenog iznosa se priznaje kao učešće u školarini studija,
- Važeći industrijski Cisco CCNA certifikat se priznaje kao ekvivalent četiri položena ispita na studijskom programu Inženjerska informatika, u okviru kojih se izučava predmetna materija.